

სალოგოზო და პერიოდი

1921 წლის

სალოგოზო საზოგადოება-პოლიტიკური გაზეთი

განი 8 კაპ.

შაბათი
17
ნოემბერი
№ 127 (11613)
1990

ბიზნესი
სალოგოზო

საპარტიო უზენაესი საბჭოს დადგენილება საპარტიო უზენაესი საბჭოს თავმჯდომარის პრეზიუმის შესახებ

საქართველოს უზენაესი საბჭო ადგენს:
არჩეულ იქნეს საქართველოს უზენაესი საბჭოს თავმჯდომარედ დეპუტატი ზვიად კონსტანტინეს ძე გამსახურდია.
თბილისი, 1990 წლის 14 ნოემბერი.



ზვიად გამსახურდია

ზვიად კონსტანტინეს ძე გამსახურდია დაიბადა 1939 წელს. იგი ქართული მწერლობის კლასიკოსის კონსტანტინე გამსახურდიას შვილია. დაამთავრა თბილისის სახელმწიფო უნივერსიტეტის დასავლეთევროპული ენებისა და ლიტერატურის ფაკულტეტი. მუშაობს შოთა რუსთაველის სახელობის ქართული ლიტერატურის ინსტიტუტში უფროს მეცნიერ თანამშრომლად. მისი მეცნიერული ინტერესები მოიცავს ქართული კულტურის, რუსთაველოლოგიის, თეოლოგიის, ანთროპოლოგიის, საზღვარგარეთული მწერლობისა და მათოლოგიის სფეროებს. იგი ფილოლოგიის მეცნიერებათა კანდიდატი, მრავალი მონოგრაფიისა და სამეცნიერო ნაშრომის ავტორია.
ზვიად გამსახურდია ცნობილია როგორც პოეტი და ბელეტრისტი. გამოქვეყნებული აქვს ლექსებისა და იგავ-პარაფრაზების კრებულები, ავტორია მრავალმხრივი ლიტერატურისმცოდნეობითი ნარკვევებისა. მას ეკუთვნის ამერიკელ, ინგლისელ და ფრანგ მწერალთა ნაწარმოებების მალ-ალმხატვრული თარგმანები. იცის ინგლისური, გერმანული, ფრანგული და რუსული ენები.
საზოგადოებრივ-პოლიტიკური საქმიანობა დაიწყო 50-იან

წლებში, რისთვისაც ჯერ კიდევ ჩვიდმეტი წლის ასაკში დააპატიმრეს. მიუხედავად ამისა, 60-70-იან და 80-იან წლებში ინტენსიურად მუშაობდა პოლიტიკურ მოღვაწეობას. იყო საქართველოში პირველი თვითგამოცემითი ჟურნალ-გაზეთების რედაქტორ-გამომცემელი 70-იან წლებში გამოსულმა „ოქროს სანძივმა“, „საქართველოს მოამბემ“, „საქართველომ“, „მატიანემ“ და სხვებმა უმნიშვნელოვანესი როლი შეასრულეს საქართველოში ეროვნულ-განმანათლებლებელი მოძრაობის აღორძინების საქმეში.
ზვიად გამსახურდია საქართველოს პელსინის კავშირის დამფუძნებელი და უცვლელი თავმჯდომარეა. 1989 წელს აირჩიეს წმინდა ილია მართლის საზოგადოების თავმჯდომარედ. არის ყველა საპროტესტო აქციისა და გამოსვლის ერთ-ერთი ინიციატორი და აქტიური წარმმართველი.
1977-1979 წლებში ზვიად გამსახურდია იყო რეპრესირებული პოლიტიკური მოღვაწეობისათვის სასჯელს იხდოდა თბილისის, მოსკოვისა და კასპისპირეთის საპატიმროებში.
ჰყავს მეუღლე და სამი ვაჟი-შვილი.

მ ი მ ა რ თ ვ ა ს რ უ ლ ი ა დ ს ა ქ ა რ თ ვ ე ლ ო ს

ჰიბრასო თანამემამულენო!
1990 წლის 14 ნოემბერს თავისი ძნელი, მაგრამ ფრიად საპატიო მოვალეობის აღსრულებას შეუდგა დემოკრატიული წესით არჩეული მრავალპარტიული ეროვნული პარლამენტი. საქართველოს მოსახლეობის აბსოლუტური უმრავლესობის მიერ ნდობის მანდატით აღჭურვილი ეს უზენაესი საკანონმდებლო ორგანო უმჯობესად იქნება ჩვენი ეროვნული ნებისა და მისწრაფებების კეშმარტი გამომხატველი.
გარბობს რა შექმნილი მდგომარეობის ისტორიულ მნიშვნელობას, საქართველოს უზენაესი საბჭო თავის უპირველეს ამოცანად მიიჩნევს დაუღალავად ილვაწოს გარდამავალი პერიოდის სპეციფიკით ნაკარნახევ პრობლემათა გადაჭრისა და ქვეყანაში შექმნილი მრავალმხრივი კრიზისის დაძლევისათვის. სწორედ ამ გზით უნდა შევამზადოთ საქართველოს დამოუკიდებლობის აღდგენისათვის აუცილებელი რეალური საფუძველი.
ერისა და არაეროვნების სრული თავისუფლების დამკვიდრება ყოველი ჩვენგანის სანუკვარი მიზანია. მაგრამ აღნიშნული მიზნის მიღწევა შეუძლებელია ეროვნული თანხმობის, ურთიერთთანადგომისა და ურთიერთპატივისცემის გარეშე.
საქართველოს კეთილდღეობისათვის დღეს ჰაერით სავსეა ერთიანობა და სიმტკიცე, შემწყვნილობა და მიმტვევებლობა, ნებისმიერ პარტიულზე მაღლა ეროვნული ინტერესების დაყენება.
ჩვენ, პარლამენტში არჩეული სხვადასხვა პარტიის წარმომადგენლები, საჯაროდ ვაცხადებთ, რომ განუხრელად ვინდობდვანელებთ საერთო-ეროვნული და არა ლოკალურ-პარტიული მოტივებით. ამგვარივე მოწოდებით მივმართავთ საქართველოში არსებულ ყველა პოლიტიკურ ორგანიზაციას.

ამჟამად, დამოუკიდებლობის გზაზე მდგომ საქართველოში ფაქტობრივად არ არსებობს შუღლისა და ურთიერთდაპირისპირების რამდენიმე სერიოზული მიზეზი. საზოგადოებრივი ცხოვრების დემოკრატიზაციის შეუქცევადი პროცესი სრულად უზრუნველყოფს პიროვნების უფლებათა ხელშეუხებლობას, ყველა სოციალური ფენის ინტერესთა დაცვასა და ეროვნულ უმცირესობათა ყოველმხრივ განვითარებას.
საქართველოს მრავალსაუკუნოვანი ისტორია ნათელყოფს, რომ ჩვენში არასოდეს შელახულა ამა თუ იმ ეროვნების ინტერესები. ამჟამადაც გარანტირებულია მათი შეუტყობობის ყველა პირობა, მათ შორის სტერეოტიპურ უფლებათა აღიარება და პატივისცემა.
თანამემამულენო!
საქართველოს უზენაესი საბჭო მიმართავს ყველას, ვისაც გულწრფელად აფიქრებს სამშობლოს ბედი, დადგეს ეროვნული შერჩევების პოზიციებზე. მხოლოდ მტკიცე თანხმობა და ერთიანობა იხსნის საქართველოს, მიგვიყვანს კეშმარტ დამოუკიდებლობამდე. მათა შორის შუღლის ჩამოგდება ახლა ღალატის კოლფასია. ერთიანი საქართველო უნდა იყოს თითოეული ჩვენგანის უპირველესი საზრუნავი. ამ ერთიანობის მისაღწევად წმინდა ილია მართალმა თავის დროზე ნათელმხილველის კეთილგონიერებით მოგვიწოდა:
„მოვიკლათ წარსულ დროებზე დარდი
ჩვენ უნდა ვხადოთ ახლა სხვა ვარსკვლავს...“
დაე, ჩვენც, ასლანდელ ქართველობას, გვიდგოდეს სურვილი წარსულზე ამაღლებისა, თვისტომის სიყვარულისა და უფლის ერთგულებისა.
ღმერთი იყოს სრულიად საქართველოს მფარველი!

საპარტიო უზენაესი საბჭო.

- პრეზიუმ
- გადანყდა
- ამიერიდან
- საპარტიო უზენაესი
- რესპუბლიკის
- ასალგაზრდები
- ალარ იმსახურებენ
- საბჭოთა არმიაში



საპარტიო უზენაესი რესპუბლიკის უზენაესი საბჭოს პირველ სესიულ 14-15 ნოემბერი

14 ნოემბერს საქართველოს რესპუბლიკის უზენაესი საბჭოს პირველი სესია დაიწყო სრულიად საქართველოს კათოლიკოს-პატრიარქის, უმცირესი და უნეტარესი ილია მეორის ლოცვა-კურთხევით. დეპუტატებმა წუთიერი ღუმით პატივი მიაგეს იმთ ხსოვნას, ვინც საქართველოს დამოუკიდებლობისათვის ბრძოლაში დაიღუპა. სესია გახსნა ცენტრალური საარჩევნო კომისიის თავმჯდომარე ირაკლი ყორღანიძემ, რომელმაც

შეკრებილთ მოახსენა საქართველოს უზენაესი საბჭოს დეპუტატთა არჩევნების შედეგები. სესიამ აირჩია ხმის დამთავლები კომისია, დაამტკიცა უზენაესი საბჭოს სსდომების დროებითი რეგლამენტი. აირჩიეს ხელმძღვანელი ორგანოები: სამდივნო, საჩრდილო და სამხრეთ-დასავლეთი კომისიები. უზენაესმა საბჭომ დაამტკიცა ახლად არჩეული დეპუტატების უფლებამოსილება

(დასასრულად 3-7 გვ.)

ჩვენი მილოცვა

„ასალგაზრდა ივერიელის“ რედაქცია თავის მრავალათასიან მკითხველთან ერთად გულწრფელად ულოცავს სრულიად საქართველოს ამ ისტორიული მნიშვნელობის მოვლენას — ბატონ ზვიად გამსახურდიასა და ბლოკ „მრგვალი მაგიდა“ თავისუფალ საქართველოს“ დიდ გამატირებელს და უსურვებს ჩვენი სანუკვარი მიზნის ბოლომდე მიყვანას.



საქართველოს რესპუბლიკის მინისტრთა საბჭოს თავმჯდომარე

თანგიზ სიგუა

თანგიზ აბოლიტერ ძე სიგუა დაიბადა 1924 წლის 9 ნოემბერს სოფელ ლენტეხში მოსამსახურის ოჯახში. 1952 წელს დაამთავრა თბილისის პირველი საშუალო სკოლა, 1957 წელს — საქართველოს




პოლიტექნიკური ინსტიტუტი ინჟინერ-მეტალურგის სპეციალობით. 1957-59 წლებში მუშაობდა რუსეთის მეტალურგიულ ქარხანაში. 1960-62 წლებში საქართველოს მეცნიერებათა აკადემიის ახპირანტაა. მისი დამთავრების შემდეგ მუშაობს საქართველოს მეცნიერებათა აკადემიის მეტალურგიის ინსტიტუტის უფროს მეცნიერ თანამშრომლად, ლაბორატორიის გამგედ, დირექტორის მოადგილედ. 1989 წელს იარსიეს საქართველოს მეცნიერებათა აკადემიის მეტალურგიის ინსტიტუტის დირექტორად.

1964 წელს დაიცვა საკანდიდატო დისერტაცია, ხოლო 1988 წელს — სადოქტორო დისერტაცია. არის ტექნიკის მეცნიერებათა დოქტორი, პროფესორი, გიორგი ნიკოლაძის სახელობის პრემიის ლაურეატი, მინიჭებული აქვს რესპუბლიკის დამსახურებული ინჟინრის სამატიო წოდება.

პოლო წლებში აქტიურად მონაწილეობს საქართველოს ეროვნულ-განმათავისუფლებელ მოძრაობაში. არის მერაბ კობახიას სახელობის საქართველოს საადგილობრივი მოსახლეობის განსახლებისა და დახმარების ფონდის სათათბიროს წევრი. 1989 წელს იარსიეს სრულიად საქართველოს რუსთაველის საზოგადოების ვიცე-პრეზიდენტად, 1990 წელს — ამავე საზოგადოების პრეზიდენტად. არის პოლიტიკურ პარტიათა და ორგანიზაციათა ბლოკის „მრგვალი მაგიდა — თავისუფალი საქართველო“ ექსპერტთა ჯგუფის წევრი. ჰყავს მეუღლე და ქალიშვილი.

საქართველოს რესპუბლიკის უზენაესი საბჭოს თავმჯდომარის პირველი მოადგილე

აკაკი ასათიანი



აკაკი თორნიკე ძე ასათიანი დაიბადა 1953 წლის 22 ოქტომბერს, ქალაქ თბილისში, მოსამსახურის ოჯახში.


1971 წელს დაამთავრა თბილისის პირველი საშუალო სკოლა, 1977 წელს — თბილისის სახელმწიფო უნივერსიტეტის აღმოსავლეთმცოდნეობის ფაკულტეტი. სწავლას ვადასრულა მსხვილბედად, მთარგმნელად, რედაქტორად. პოლო დროს მუშაობდა საქინფორში — საინფორმაციო სააგენტო „საქართველოში“ მთარგმნელად.

აქტიურად მონაწილეობს ეროვნული მოძრაობის ყველა დონის მიზანსა და აქციაში, არის ქართველ ტრადიციონალისტთა კავშირის თავმჯდომარე და „მრგვალი მაგიდას“ წევრი.

ჰყავს მეუღლე და ორი ვაჟიშვილი.

საქართველოს რესპუბლიკის უზენაესი საბჭოს თავმჯდომარის მოადგილე

ნემო ბურჭულაძე



ნემო პიერის ძე ბურჭულაძე დაიბადა 1946 წელს მდ. დედაფიხის ოჯახში. დაამთავრა საქართველოს პოლიტექნიკური ინსტიტუტი საავტომობილო გზების მშენებელი ინჟინრის სპეციალობით, მსახურობს მიწათმოქმედის რესპუბლიკურ ინსტიტუტ „საქსახმინფორში“ პროექტის მთავარი ინჟინრის თანამდებობაზე.

ნემო ბურჭულაძე საქართველოს ეროვნული ფრონტის — რადიკალური კავშირის მთავარი კომიტეტისა და პოლიტიკურ ორგანიზაციათა გაერთიანება „მრგვალი მაგიდას“ წევრია.

ეროვნულ-განმათავისუფლებელ მოძრაობაშია 1966 წლიდან.

ჰყავს მეუღლე და ქალ-ვაჟი.

საქართველოს რესპუბლიკის კანონი

საქართველოს სსრ სახელმწიფო უზენაესი საბჭოს უზენაესი საბჭოს უზენაესი

- საქართველოს უზენაესი საბჭო ადგენს:
1. საქართველოს საბჭოთა სოციალისტურ რესპუბლიკის ეწოდოს საქართველოს რესპუბლიკა.
 2. შეტანილ იქნეს შესაბამისი ცვლილებები საქართველოს რესპუბლიკის კონსტიტუციაში (ძირითად კანონში).
 3. კანონი ძალაშია მიღებისთანავე.

საქართველოს უზენაესი საბჭოს თავმჯდომარე

ზ. გამსახურდია.

თბილისი. 1990 წლის 14 ნოემბერი.

საქართველოს რესპუბლიკის კანონი

საქართველოს რესპუბლიკის სახელმწიფო ბერძენი უზენაესი

საქართველოს კონსტიტუციის (ძირითადი კანონის) 180-ე მუხლის შესაბამისად საქართველოს რესპუბლიკის უზენაესი საბჭო ადგენს:

1. დამტკიცდეს საქართველოს რესპუბლიკის სახელმწიფო გერბის გამოსახულება.
2. ძალადაკარგულად ჩაითვალოს საქართველოს საბჭოთა სოციალისტური რესპუბლიკის სახელმწიფო გერბის შესახებ საქართველოს სსრ უზენაესი საბჭოს პრეზიდიუმის 1978 წლის 24 აპრილის ბრძანებულება (საქართველოს სსრ უზენაესი საბჭოს უწყებები, 1978 წ., № 4, მუხ. 68).

საქართველოს რესპუბლიკის უზენაესი საბჭოს თავმჯდომარე

ზ. გამსახურდია.

თბილისი. 1990 წლის 14 ნოემბერი.

საქართველოს რესპუბლიკის კანონი

საქართველოს რესპუბლიკის სახელმწიფო დროშის უზენაესი

საქართველოს კონსტიტუციის (ძირითადი კანონის) 181-ე მუხლის შესაბამისად საქართველოს რესპუბლიკის უზენაესი საბჭო ადგენს:

1. დამტკიცდეს საქართველოს რესპუბლიკის სახელმწიფო დროშის გამოსახულება.
2. ძალადაკარგულად ჩაითვალოს საქართველოს საბჭოთა სოციალისტური რესპუბლიკის უზენაესი საბჭოს პრეზიდიუმის 1951 წლის 11 აპრილის ბრძანებულება „საქართველოს სსრ სახელმწიფო დროშის შესახებ“ (საქართველოს სსრ უზენაესი საბჭოს უწყებები, 1951 წ., № 2, მუხ. 21).

საქართველოს რესპუბლიკის უზენაესი საბჭოს თავმჯდომარე

ზ. გამსახურდია.

თბილისი. 1990 წლის 14 ნოემბერი.

საქართველოს უზენაესი საბჭოს დადგენილება

საქართველოს სსრ მინისტრთა საბჭოს განხილვის უზენაესი

- საქართველოს უზენაესი საბჭო ადგენს:
1. მიღებულ იქნეს ცნობად საქართველოს სსრ მინისტრთა საბჭოს განცხადება ახლად არჩეული საქართველოს უზენაესი საბჭოს წინაშე თავისი უფლებამოსილებას მოხსნის თაობაზე.
 2. დავალოს საქართველოს სსრ მინისტრთა საბჭოს განაგრძოს თავის მოვალეობათა შესრულება, სანამ საქართველოს უზენაესი საბჭო საქართველოს ახალ მინისტრთა საბჭოს შექმნიდეს.

საქართველოს უზენაესი საბჭოს თავმჯდომარე

ზ. გამსახურდია.

თბილისი. 1990 წლის 14 ნოემბერი.

საქართველოს რესპუბლიკის უზენაესი საბჭოს მიმართვა მსოფლიოს ხალხებს

მსოფლიოს მოწინავე სახელმწიფოთა ერთობლივმა ძალისხმევამ შესაძლებელი გახადა ტოტალიტარული რეჟიმების ქვეყნებში დემოკრატიული პროცესების განვითარება. აღმოსავლეთ ევროპის სახელმწიფოებში მიმდინარე მოვლენები ცხადყოფს თანამედროვე პირობებში უკიდურესი სისასტიკის რეჟიმების თანდათანობითი, ევოლუციური გზით შეცვლის რეალურ შესაძლებლობას, რაც უდავოდ პროგრესული პოლიტიკური ძალების დამსახურებად უნდა ჩაითვალოს. ამ პირობებში საქართველოში დემოკრატიული ოპოზიციისა და მოსახლეობის ძალისხმევით შესაძლებელი გახდა საბჭოთა კავშირში უპრეცედენტო დემოკრატიული, მრავალპარტიული არჩევნების ჩატარება. არჩევნები დასაუფლეს დამოუკიდებელ ექსპერტთა მეთვალყურეობით მიმდინარეობდა. გადამწყვეტი უპი-

რატესობა საქართველოს დამოუკიდებლობისათვის მებრძოლმა დემოკრატიულმა ძალებმა მოიპოვეს. საქართველო უკანასკნელ დრომდე დასავლეთისათვის უაღრესად საშიში ზესახელმწიფოს უპიროვნო ნაწილს წარმოადგენს. ამდენად, კარგად გვესმის, რომ საქართველოს სახელმწიფოებრიობის აღდგენისათვის ბრძოლა ერთობ გართულდება, თუ იგი დაუპირისპირდება დასავლეთისა და აღმოსავლეთის დაპყრობის პროცესს. ეს პროცესები პოზიტიური დემოკრატიული ნიშნით ვითარდება და სასურველია მოზურხდეს მათი ურთიერთშეთავსება.

საქართველოს მრავალპარტიული უზენაესი საბჭო სახელმწიფოებრიობის აღდგენის ეტაპობრივ


პროცესს განიხილავს, როგორც ამერიკისა და აღმოსავლეთ ევროპის რეგიონში სტაბილიზაციის ერთ-ერთ უმნიშვნელოვანეს ფაქტორს, რამეთუ საქართველოს, ისევე როგორც ბალტიის რესპუბლიკების, ზელოვნური გავრთიანება თუნდაც განახლებული საბჭოთა კავშირის შემადგენლობაში; აუცილებლად გამოიწვევს ამ რესპუბლიკებში სოციალური და პოლიტიკური მდგომარეობის დესტაბილიზაციას.

საქართველოს რესპუბლიკის უზენაესი საბჭო გარდამავალი პერიოდის ხელისუფლების ორგანოა და მიზნად ისახავს 1921 წლის თებერვალ-მარტში შეიარაღებული აგრესიის შედეგად დაკარგული სახელმწიფოებრიობის აღდგენას. ჩვენ არ ვაპირებთ არც რომელიმე სახელმწიფოსთან და არც საქართველოში მცხოვრებ რომელიმე ეროვნებასთან დაპირისპირებას. ეს არის გზა, რომლითაც გარანტირებული იქნება საქართველოში ადამიანის, მოქალაქის, ეროვნულ უმცირესობათა უფლებების დაცვა.

ჩვენ ვიმედოვნებთ, რომ საქართველო, გახდება რა მსოფლიოს თავისუფალ სახელმწიფოთა ოჯახის წევრი, თავის წვლილს შეიტანს სამართლიანი და პარაზონული მსოფლიოს შექმნაში. ამ გზაზე კი სხვა სახელმწიფოთაგან სოლიდარობისა და მხარდაჭერის იმედი გვაქვს.

ღმერთი იყოს ჩვენი მფარველი!

საქართველოს რესპუბლიკის უზენაესი საბჭო.



საქართველოს რესპუბლიკის

კ ა ნ ო ნ ი

საქართველოს რესპუბლიკაში გარდაცვალებული პერიოდის გამოცხადების შესახებ

საქართველოს რესპუბლიკის უზენაესი საბჭო, აცხადებს რა საქართველოს რესპუბლიკაში გარდაცვალებული პერიოდის, რომლის განმავლობაშიც უნდა მომზადდეს საქართველოს სახელმწიფოებრივი დამოუკიდებლობის აღდგენის საფუძვლები, ადგენს:

1. 1. პრეამბულა ჩამოყალიბდეს შემდეგნაირად: საქართველოს სახელმწიფოებრიობა, რომელიც საუკუნეთა სიღრმეში იღებს სათავეს, XIX საუკუნის დასაწყისში დაკარგული იქნა უცხო ძალის ჩარევის შედეგად. ქართველი ხალხი არასოდეს შეწყვეტია სახელმწიფოებრიობის დაკარგვას.

1917 წლის თებერვალში დაემხო რუსეთის იმპერია, რამაც ქართველ ხალხს საშუალება მისცა 1918 წლის 26 მაისს დამოუკიდებლობის აქტის გამოცხადებით აღედგინა საუკუნეზე მეტი ხნის წინ რუსეთის თვითმპყობლობის მიერ გაუქმებული სახელმწიფოებრიობა.

ქართველმა ერმა თავისი პოლიტიკური ნება განაცხადებდა 1919 წლის 12 მარტს, როდესაც დამფუძნებელი კრების პირველ სხდომაზე ქვეყნისა და ისტორიის წინაშე ცნო და დადასტურა ადრე მიღებული დამოუკიდებლობის აქტი, შემდეგ კი 1921 წლის 21 თებერვალს მიიღო საქართველოს კონსტიტუცია.

1921 წლის თებერვალ-მარტში საბჭოთა რუსეთმა უზენაესი დაარღვია 1920 წლის 7 მაისის სამშვიდობო ხელშეკრულება და შეიარაღებული აგრესიის გზით მოახდინა საქართველოს ოკუპაცია, რასაც შემდგომში მოჰყვა მისი ფაქტობრივი ანექსია.

საბჭოთა კავშირის შემადგენლობაში საქართველოს იძულებითი ყოფნის მთელი პერიოდი აღინიშნა სისხლიანი ტერორითა და რეპრესიებით (განსაკუთრებით 1924, 1936-38, 1949-51, 1956 წლებში), რისი უკანასკნელი გამოვლინებაც იყო 1989 წლის 9 აპრილის ტრაგედია. ამ მოვლენამ თვისებრივად ახალ ეტაპზე აიყვანა საქართვე-

ლოში ეროვნულ-განმათავისუფლებელი მოძრაობა. ეროვნულ-განმათავისუფლებელი მოძრაობის ერთ-ერთი უმნიშვნელოვანესი ეტაპი დასრულდა 1990 წლის 28 ოქტომბერს, როდესაც საქართველოს უზენაესი საბჭოს მრავალპარტიული, დემოკრატიული არჩევნებში გაიმარჯვეს ეროვნულმა ძალებმა. ამით დაიწყო ახალი ხანა, რომელიც უნდა დაგვირგვინდეს საქართველოს სრული სახელმწიფოებრივი დამოუკიდებლობის აღდგენით.

ახალი კონსტიტუციის შემუშავებამდე საქართველოს არსებული კონსტიტუცია სათანადო ცვლილებებითა და დამატებებით იმოქმედებს გარდაცვალებული პერიოდის მოთხოვნათა შესაბამისად, როგორც საქართველოს რესპუბლიკის დროებითი ძირითადი კანონი.

გარდაცვალებული პერიოდი ეროვნულ-განმათავისუფლებელი მოძრაობის უმნიშვნელოვანესი ეტაპია, რომლის განმავლობაშიც უნდა მომზადდეს საქართველოს სრული სახელმწიფოებრივი დამოუკიდებლობის აღდგენის რეალური საფუძვლები.

2. კონსტიტუციის დასახელებასა და ტექსტში სიტყვები „საქართველოს საბჭოთა სოციალისტური რესპუბლიკა“, „საქართველოს სსრ-ს რესპუბლიკა“, „საქართველოს სსრ“ შესაბამისად შეიცვალოს სიტყვებით „საქართველოს რესპუბლიკა“.

3. მე-4 თავის დასახელებიდან და პირველი, მე-4, მე-60, 64-ე მუხლებიდან ამოღებულ იქნეს სიტყვა „სოციალისტური“, ხოლო 37-ე, 48-ე და 59-ე მუხლებში შეიცვალოს სიტყვით „სახელმწიფო“.

4. მე-4, 35-ე, 37-ე, 57-ე, მე-60 მუხლებიდან ამოღებულ იქნეს სიტყვა „საბჭოთა“.

5. მე-4, 35-ე, 37-ე, 57-ე მუხლებიდან ამოღებულ იქნეს სიტყვები „სსრ კავშირის კონსტიტუცია“.

6. ა) მე-6 მუხლიდან ამოღებულ იქნეს სიტყვები „...კომუნისტური პარტია, სხვა...“.

ბ) 25-ე მუხლიდან — „...ემსახურება ახალგაზრდობის კომუნისტურ აღზრდას...“.

გ) 36-ე მუხლიდან — „...რევოლუციურ თუ...“.

დ) 45-ე მუხლიდან — „...კომუნისტური მშენებლობის მიზნების შესაბამისად...“.

ე) 57-ე მუხლიდან — „...პატივს სცემდეს სოციალისტური საერთო ცხოვრების წესებს, ღირსეულად განსჯის საბჭოთა მოქალაქის მაღალ წოდებას...“.

ვ) 62-ე მუხლიდან — „...საბჭოთა მრავალეროვან სახელმწიფოს...“.

7. კონსტიტუციის

ა) მე-7 თავის დასახელება ჩამოყალიბდეს შემდეგნაირად:

„საქართველოს რესპუბლიკის მდგომარეობა სსრ კავშირის შემადგენლობაში“.

ბ) 68-ე მუხლი ჩამოყალიბდეს შემდეგნაირად:

„საქართველოს რესპუბლიკა არის სუვერენული საქართველოს დემოკრატიული რესპუბლიკის მიემკვიდრე სახელმწიფო. იგი ძალადობით არის შეყვანილი სსრ კავშირის შემადგენლობაში. ამ რეალობიდან გამომდინარე, საქართველოს რესპუბლიკა მხოლოდ გარდაცვალებული პერიოდის განმავლობაში იძულებულია უზრუნველყოს სსრ კავშირისათვის მისი სახელმწიფო ხელისუფლებისა და მმართველობის უმადღესი ორგანოების სახით უფლებები, რომლებიც განსაზღვრულია სსრ კავშირის კონსტიტუციის 73-ე მუხლით, გარდა ამ მუხლის მე-3, მე-4 და მე-11 პუნქტებით განსაზღვრული კომპეტენციის ფარგლებიდან.“

ზემოთ აღნიშნულ ფარგლებს გარეშე საქართველოს რესპუბლიკა დამოუკიდებლად ახორციელებს სახელმწიფო ხელისუფლებას თავის ტერიტორიაზე“.

გ) 77-ე მუხლი ჩამოყალიბდეს შემდეგნაირად:

„საქართველოს რესპუბლიკის ტერიტორიაზე მოქმედებს საქართველოს რესპუბლიკის და სსრ კავშირის კანონები და კანონქვემდებარე აქტები. საქართველოს რესპუბლიკის უზენაესი საბჭო ანერებს სსრ კავშირის კანონებსა და კანონქვემდებარე აქტების მოქმედებას საქართველოს რესპუბლიკის ტერიტორიაზე, თუ ისინი ეწინააღმდეგება საქართველოს რესპუბლიკის კანონებს და ინტერესებს.“

საქართველოს რესპუბლიკის კანონისაგან სსრ კავშირის კანონის განსხვავების შემთხვევაში საქართველოს რესპუბლიკის ტერიტორიაზე მოქმედებს საქართველოს რესპუბლიკის კანონი“.

დ) 180-ე მუხლი ჩამოყალიბდეს შემდეგნაირად:

„საქართველოს სახელმწიფო გერბი არის ეროვნული ორნამენტიანი შვიდქიმიანი ვარსკვლავი, ვარსკვლავის ოქროსფერ ჩუქურთმას აქვს შავი არხა. ქიმიების შიდა ველი ქართული წითელი ფერისაა (შინდისფერია).“

ვარსკვლავის გულზე მოთავსებულია მრგვალი ქართული ფარი, ქართული ფერის (შინდისფერი) ველით, რომელზედაც გამოსახულია ოქროსფორქვეტიანი თეთრი ცხენი ამხედრებული თეთრი გორაკი. მას მარჯვენა ხელში უყვრის საბრძოლველ შემართული ვერცხლისპირიანი ოქროს შუბი, ხოლო მარცხენაში — ოქროსზოლიანი ფარი.

თეთრი გორაკის აცვია ალისფერი შარვალი და ოქროსფერი წალბი. შემოსილია ვერცხლისფერ უჭრედებიანი ცისფერი ჯავშნითა და თეთრი მოსასხამით. ჯავშნის ქვემოთ მოუჩინოს ყავისფერი (მინაქისფერი) ტუყვის პერანგი.

თეთრი გორაკის ცხენს უნაგირის ქვეშ დაფიქვილი აქვს ვეფხვის ტყავი. უნაგირი ოქროსია, ხოლო უნაგი — ვერცხლისა.

თეთრი გორაკის თავს ზემოთ რეაქიმიანი ვერცხლისფერი ვარსკვლავია. ვარსკვლავის მარჯვნივ არის ვერცხლისფერი მთვარე, ხოლო მარ-

ჯვენაზე ოქროსფერი მზე. მთვარისა და მზის ვარსკვლავი ორ-ორ რეაქიმიანი ვერცხლისფერი ვარსკვლავია.

თეთრი გორაკის ცხენს ქვემოთ შავი ფერით გამოსახულია მთის მწვერვალი“.

ვ) 181-ე მუხლი ჩამოყალიბდეს შემდეგნაირად:

„საქართველოს ეროვნული და სახელმწიფო დროშა არის მართკუთხედის ფორმის ქართული წითელი ფერის (შინდისფერი) ქსოვილი, რომელსაც ტარის მხარეს, ზედა კუთხეში, აქვს შავი (ზემოთ) და თეთრი (ქვემოთ) ზოლები.“

დროშის სიგანის შეფარდება სიგრძესთან არის 3:5, თითოეული ზოლის (შავისა და თეთრის) სიგანე არის დროშის სიგანის 1/5, ხოლო სიგრძე — დროშის სიგრძის 2/5“.

ვ) 182-ე მუხლი ჩამოყალიბდეს შემდეგნაირად:

„საქართველოს რესპუბლიკის სახელმწიფო ჰიმნი ამტკიცებს საქართველოს უზენაესი საბჭო“.

8. კონსტიტუციიდან ამოღებულ იქნეს მე-3, მე-9, მე-14, მე-15, მე-16, მე-20, 23-ე, 29-ე, 30-ე და 61-ე მუხლები მთლიანად, ხოლო მე-8 და 34-ე მუხლებიდან — მეორე ნაწილები, აგრეთვე 58-ე მუხლის მეორე წინადადება.

9. საქართველოს რესპუბლიკის კონსტიტუციის 28-ე მუხლი ჩამოყალიბდეს შემდეგი რედაქციით:

„მუხლი 28.“

საქართველოს რესპუბლიკა საგარეო-პოლიტიკურ საქმიანობაში ხელმძღვანელობს საერთაშორისო სამართლის პრინციპებითა და საქართველოს რესპუბლიკის კანონმდებლობით.

საქართველოს რესპუბლიკაში ომის პროპაგანდა აკრძალულია“.

11. ეს კანონი ძალაში მიღებისთანავე.

საქართველოს რესპუბლიკის უზენაესი საბჭოს თავმჯდომარე ზ. გამსახურდია. თბილისი: 1990 წლის 14 ნოემბერი.

საქართველოს რესპუბლიკის უზენაესი საბჭოს მიმართვა

ევროკავშირის უშიშროებისა და თანამშრომლობის თათბირის მონაწილე ქვეყნების სახელმწიფოთა და მთავრობათა მეთაურების პარიზის კონფერენციას

პელსინკის თათბირმა, მისმა საბოლოო აქტმა თავისუფლებას მოწყურებულ ხალხებს ჩაუხაზა იმედი, რომელსაც კიდევ დღესაც არ ეწერა ასრულება. პელსინკში დაწესებული მრავალმხრივი პროცესი დღეს თანდათანობით კონკრეტული შინაარსით იცვლება, კანონიერ ძალას იძენს ვალდებულებანი, რომლებსაც მხოლოდ იმითკომ უგალებელყოფდნენ, რომ ისინი თვით ტოტალიტარიზმის ბუნებრივი ეწინააღმდეგეობა. თანდათანობით მართლდება იმედი, რომ ამ ფორუმს ძალუქს საქმით დაამტკიცოს საბოლოო აქტის, სხვა დოკუმენტების ქმედუნარიანობა, რეალურად განახორციელოს ევროპის ხალხების თანასწორუფლებიანობა და ერთიანობა, მათი უსაფრთხო და ბედნიერი თანაცხოვრება.

სიმბოლოურია, რომ პროგრესული ძალები და ცალკეული ადამიანები, რომლებიც საკუთარი კეთილდღეობის, სწორად თავისუფლების დაკარგვის, სიცოცხლის

ფასადაც კი იღვწოდნენ თავიანთ ქვეყნებში პელსინკის იდეებისა და პრინციპების დამკვიდრებისა და განხორციელებისათვის, დღეს უკვე ოპოზიციას ადარ წარმოადგენენ, უფრო მეტიც — თავისი ხალხის თავისუფლად გამოხატული ნების შესაბამისად უზენაეს ხელისუფლებას განასახიერებენ და საერთაშორისო აღიარებით სარგებლობენ.

1921 წელს განხორციელებული შეიარაღებული აგრესიის შედეგად ოკუპირებულმა და ფაქტობრივად ანექსირებულმა საქართველომ პირველად 70 წლის მანძილზე დემოკრატიული და მრავალპარტიული არჩევნების საფუძვლზე მოპოვა შესაძლებლობა აერჩია ის გზა, რომელზეც იგი ევროპის ხალხების ოქაზში უნდა დააბრუნოს. ეს იქნება რთული, წინააღმდეგობებით აღსავსე გზა, და საქართველოს უზენაეს საბჭოს უარგად აქვს გაცნობიერებული, რომ რესპუბლიკის ღტობა სრული დამოუკიდებლობისაკენ

არ უნდა იქცეს ევროპაში სტაბილურობის დარღვევის ფაქტორად, უფრო მეტიც, საქართველომ თავისი წვლილი უნდა შეიტანოს რეგიონალურ დონეზე უსაფრთხოების უზრუნველყოფასა და თანამშრომლობის განვითარებაში, რაც საბოლოო ჯამში ევროპაში ინტეგრაციის პროცესებს წაადგება.

დიდა პასუხისმგებლობა, რომელიც ევროპისა და მსოფლიოს ხალხების მომავლის გადაწყვეტილსათვის ეკისრებათ პარიზის კონფერენციის მონაწილე სახელმწიფოების ლიდერებს. პარიზში მიღებული ყოველი გადაწყვეტილება მიმდინარე ცვლილებების რეალურად აღქმის სულიერკეთებით უნდა იყოს აღსავსე, ვინაიდან დღესაც ის დღე, როდესაც იზრდება პელსინკის პროცესში მონაწილეობის პრეტენდენტთა რიცხვი. სწორედ ამ დროს წამოიწვეს წინა პლანზე კონსენსუსის ფუძემდებლური პრინციპი, რომელმაც პელსინკის პროცესში ახალი საერთაშორისო სამართალსუბიექტების ჩართვა და შესაბამისად მისი (თვისებრივად ახალ დონეზე აყვანა უმტკივნეულოდ უნდა უზრუნველყოს.

მშვიდობიანი გზით გერმანიის გაერთიანების დღეს უკვე რეალ-

ობად ქცეულმა ფაქტმა ნათელყო, რომ პელსინკის თათბირის საბოლოო აქტში 1975 წელს ჩადებული დებულება — მოლაპარაკების გზით ევროპის სახელმწიფოთა საზღვრების შეცვლა — განხორციელებადი პროცესია.

ევროპის სახელმწიფოთა შორის საზღვრების გადასინჯვის პროცესი არ დამთავრებულია. ამის თვალნათლივი მაგალითია ჭერაც სსრ კავშირში შემავალი, წარსულში ევროპული ტიპის დემოკრატიული სახელმწიფოებრიობის მქონე საქართველოსა და ბალტიისპირეთის რესპუბლიკათა ბუნებრივი, სამართლიანი სწრაფვა დამოუკიდებელი სახელმწიფოებრიობის აღდგენისაკენ.

თვით პელსინკის პროცესის სულისკვეთით — ევროპის ხალხთა თანასწორუფლებიანი, უსაფრთხო თანაცხოვრება — ავალდებს პარიზის კონფერენციას და მისი მონაწილე ქვეყნების მთავრობებს ისეთივე გულისმხიერიება გამოეჩინონ საქართველოს სწრაფვისადმი თავისუფლებისაკენ, როგორც აქვს იჩენდნენ გერმანიის გაერთიანების პროცესისადმი.

იმოქმედონ გაერთიანებული ერების ორგანიზაციის წესდების პრინციპებისა და მიზნების შესაბამისად“.

პელსინკში დაწესებული პროცესის განვითარებას გარკვეული თვალსაზრისით ასახავს და დღევანდელი განმოსხმედიდან რამდენამდე წინასწარმეტყველურადაც უღერს 1975 წელს პელსინკში გამოთქმული აზრი: ისტორია ამ თათბირის შესახებ განსჯის არა იმით, თუ რას ვამბობთ დღეს, არამედ იმით, თუ რას ვაკეთებთ ხვალ, არა იმ დაპირებებით, რომლებსაც ჩვენ ვიძლევი, არამედ იმ დაპირებებით, რომლებსაც შევასრულებთ. ეს სიტყვები დღესაც აქტუალურია, რამეთუ ისტორიამ მართლაც ყველას თავისი ადგილი მიუჩინა, მაგრამ მრავალმხრივი პროცესი გრძელდება და მომავალი თათბირიც თანაბრად განაჩენს გამოცხადებს.

იმედს გამოვთქვამთ, რომ პარიზის კონფერენცია და პელსინკის პროცესის მონაწილე ქვეყნები რეალურად შეაფასებენ საბჭოთა კავშირის ევროპულ ნაწილში მიმდინარე მოვლენებს — წარსულში დემოკრატიული ქვეყნების ზალხთა სამართლიან სწრაფვას სახელმწიფოებრიობის აღდგენისაკენ, და ინტეგრაციის ხელშეწყობას. უსწორო ეტაპებით არ შეიფერხებენ გლობალური ევროინტეგრაციისა და საბოლოო სტაბილიზაციის პროცესს.

საქართველოს რესპუბლიკის უზენაესი საბჭო.



საქართველოს რესპუბლიკის უზენაესი საბჭოს

დადგენილება

საქართველოს რესპუბლიკის უზენაესი საბჭოს თავმჯდომარის პირველი მოადგილის არჩევის შესახებ

საქართველოს რესპუბლიკის უზენაესი საბჭო ადგენს: არჩეულ იქნეს საქართველოს რესპუბლიკის უზენაესი საბჭოს თავმჯდომარის პირველ მოადგილედ დეპუტატი აკაკი თორნიკეძე ძე ახათიანი.

თბილისი, 1990 წლის 15 ნოემბერი.

საქართველოს რესპუბლიკის უზენაესი საბჭოს

დადგენილება

საქართველოს რესპუბლიკის მინისტრთა საბჭოს თავმჯდომარის დანიშვნის შესახებ

- საქართველოს რესპუბლიკის უზენაესი საბჭო ადგენს: 1. დანიშნოს საქართველოს რესპუბლიკის მინისტრთა საბჭოს თავმჯდომარედ თენგიზ იაოლიტეძე სიგუა. 2. დაეწიოს საქართველოს რესპუბლიკის მინისტრთა საბჭოს თავმჯდომარეს, წარმოუდგინოს საქართველოს რესპუბლიკის უზენაესი საბჭოს წინადადებაში საქართველოს რესპუბლიკის მინისტრთა საბჭოს სტრუქტურისა და პერსონალური შემადგენლობის შესახებ. 3. საქართველოს რესპუბლიკის უზენაესი საბჭოს შესაბამისმა მუდმივმა კომისიებმა წარმოუდგინონ საქართველოს რესპუბლიკის უზენაეს საბჭოს დასკვნები საქართველოს რესპუბლიკის მთავრობის სტრუქტურისა და პერსონალური შემადგენლობის შესახებ.

საქართველოს რესპუბლიკის უზენაესი საბჭოს თავმჯდომარე ზ. გამსახურდია. თბილისი, 1990 წლის 15 ნოემბერი.

საქართველოს რესპუბლიკის უზენაესი საბჭოს

დადგენილება

საქართველოს რესპუბლიკის უზენაესი საბჭოს თავმჯდომარის მოადგილის არჩევის შესახებ

საქართველოს რესპუბლიკის უზენაესი საბჭო ადგენს: არჩეულ იქნეს საქართველოს რესპუბლიკის უზენაესი საბჭოს თავმჯდომარის მოადგილედ დეპუტატი ნემო პიერის ძე ბურჭულაძე.

თბილისი, 1990 წლის 15 ნოემბერი.

საქართველოს რესპუბლიკის კანონი

საქართველოს რესპუბლიკის უზენაესი საბჭოს თავმჯდომარის მოადგილის თანამდებობის შემოღების შესახებ

- საქართველოს რესპუბლიკის უზენაესი საბჭო ადგენს: 1. შემოღებულ იქნეს საქართველოს რესპუბლიკის უზენაესი საბჭოს თავმჯდომარის მოადგილის თანამდებობა. ამასთან დაკავშირებით შეტანილ იქნეს საქართველოს რესპუბლიკის კონსტიტუციაში (ძირითად კანონში) შემდეგი ცვლილებები და დამატებები: 1. 104-ე მუხლის მე-17 პუნქტში სიტყვები „პირველ მოადგილეს“ შეიცვალოს სიტყვებით „პირველ მოადგილესა და მოადგილეს“; 2. 112-ე მუხლის მეორე ნაწილში სიტყვების „საქართველოს რესპუბლიკის უზენა-

ესი საბჭოს თავმჯდომარის პირველი მოადგილე“ შემდეგ დამატოს სიტყვები: „საქართველოს რესპუბლიკის უზენაესი საბჭოს თავმჯდომარის მოადგილე“; 115-ე მუხლის მე-2 პუნქტში სიტყვები „პირველი მოადგილის თანამდებობაზე ასარჩევ კანდიდატურას“ შეიცვალოს სიტყვებით „პირველ მოადგილისა და მოადგილეს თანამდებობაზე ასარჩევ კანდიდატურებს“; II. ეს კანონი ძალაში შედის მიღებისთანავე. საქართველოს რესპუბლიკის უზენაესი საბჭოს თავმჯდომარე ზ. გამსახურდია. თბილისი, 1990 წლის 15 ნოემბერი.

საქართველოს რესპუბლიკის კანონი

საქართველოს რესპუბლიკის სახელმწიფო ჰიმნის შესახებ

საქართველოს კონსტიტუციის (ძირითადი კანონის) 182-ე მუხლის შესაბამისად, საქართველოს რესპუბლიკის უზენაესი საბჭო ადგენს: 1. დამტკიცდეს საქართველოს რესპუბლიკის სახელმწიფო ჰიმნის ტექსტი და მუსიკალური რედაქცია (თან ერთვის). 2. ამ კანონით დამტკიცებული საქართველოს რესპუბლიკის სახელმ-

წიფო ჰიმნის შესრულება მთელ რესპუბლიკაში შემოღებულ იქნეს 1990 წლის 15 ნოემბრიდან. 3. საქართველოს რესპუბლიკის სახელმწიფო ჰიმნის ტექსტი და მუსიკა სიტივი გამოქვეყნდეს. 4. ძალადაკარგულად ჩაითვალოს საქართველოს საბჭოთა სოციალისტური რესპუბლიკის სახელმწიფო ჰიმნის შესახებ საქართველოს სსრ უზენაესი საბჭოს პრეზიდიუმის 1978 წლის 14 აპრილის ბრძანებულება (საქართველოს სსრ უზენაესი საბჭოს უწყებები, 1978 წ., № 4, მუხ. 69). საქართველოს რესპუბლიკის უზენაესი საბჭოს თავმჯდომარე ზ. გამსახურდია. თბილისი, 1990 წლის 14 ნოემბერი.

საქართველოს უზენაესი საბჭოში

პირველი ინტერვიუ სლოვის შედეგად

ავთანდილ იმნაძე („მრგვალი მაგიდა — თავისუფალი საქართველო“): ჩვენ ნამდვილად ისტორიული მომენტის თვითმზილველები ვართ, პირველად საბჭოთა კავშირის ისტორიაში, საქართველოში ჩატარდა მრავალპარტიული არჩევნები შერეული სისტემით. ეს არჩევნები თავისი არსით არასაბჭოური, იმდენად, რამდენადც ის არაფრით არ შეესაბამება საბჭოთა კავშირისა და საქართველოს სსრ კონსტიტუციებს. და აი, დღეს შეიკრება პირველი სესია, დიან პირველი და არა რიგით რომელიმე, რადგან ეს ახალი ისტორიის დასაწყისია. ვფიქრობ, ყველაფერი ისე გაქეთდება, როგორც ამას მომავალი მოითხოვს. და ქართველი ერი მივა იმ მიჯნაზე, როდესაც გამოცხადდება საქართველოს დამოუკიდებლობის დეკლარაცია. ამასთან უდიდესი მნიშვნელობა აქვს იმასაც, რომ დამოუკიდებლობა გამოცხადდეს ზუსტად იმ მომენტში, როცა ამის რეალური საფუძველი გვექნება, როცა ამის დრო მოვა. რადგან ჩვენ გვაქვს ბალტიის რესპუბლიკების გამოცდილება, რომლებმაც დამოუკიდებლობის დეკლარაციებით დაიწყეს, მაგრამ... თუმცა მე ღრმად მჯერა, რომ ეს რესპუბლიკები, ისევე როგორც საქართველო, უთუოდ მიაღწევენ საბუთყარ მიზანს.

ავთანდილ რცხილაძე („მრგვალი მაგიდა — თავისუფალი საქართველო“): ეს ნამდვილად უდიდესი მოვლენაა ჩვენი ერის ცხოვრებაში. გამარჯვება მიღწეულია უდიდესი ძალისხმევის შედეგად, მაგრამ კიდევ მეტის გაცემა იქნება საქიერო მის შესანარჩუნებლად და ცასევითარებლად. აქედან გამომდინარე, მე ვუსურვებ საქართველოს ეროვნულ მოძრაობას, ახლად არ-

(დასასრული მე-7 გვ.)

ლირაჯა ჯაგოფი აკოპაშვილი ზიმნი სიტყვები ზა მუსიკა - პოტი ზოცხაპრაშვილის კაფიჯაჯა - მანდი სე ზოცხაპრაშვილი

საქართველოს რესპუბლიკის სახელმწიფო ჰიმნი „დიდება“
კ. ზოცხაპრაშვილის
ბაჰსტი და მუსიკა

დიდება ზეციტ კურთხეულს,
დიდება ქვეყნად სამოთხეს,
ტურფა ივერსა,
დიდება ქმობას, ერთობას,
დიდება თავისუფლებას,
დიდება სამარადისო ქართველ მხნე ერსა!

დიდება ჩვენსა სამშობლოს,
დიდება ჩვენი სიცოცხლის მიზანს დიადსა;
ვაშა ტრფობასა, სიყვარულს,
ვაშა შვებასა, სიხარულს,
სალამი ქვეშარტების შუქ განთიადსა!

საქართველოს რესპუბლიკის უზენაესი საბჭოს პირველი სესიის 14-15 ნოემბერი

(დასასრული)

და მიიღო შესაბამისი დადგენილებები. სესიის სიტყვიერ გამოხატულება საქართველოს სსრ მინისტრთა საბჭოს თავმჯდომარემ დეპუტატმა ნოდარ ჭითანავამ განაცხადა, რომ მინისტრთა საბჭო იხსნის უფლებამოსილებას ახლადარჩეული საქართველოს უზენაესი საბჭოს წინაშე. სესიამ ცნობად მიიღო ეს განცხადება და დაავალა მთავრობას განაგრძოს დაკისრებულ მოვალეობათა შესრულება, სადა უზენაესი საბჭო ახალი საქართველოს მინისტრთა საბჭოს აირჩევდა.

ამის შემდეგ დეპუტატები შეკრებიდნენ სესიის 14-15 ნომბრის სხდომების დღის წესრიგის განხილვის (დღის წესრიგში შეტანილი საკითხების მიხედვით სესიის მიერ მიღებული კანონების, დადგენილებების, გადაწყვეტილებებისა და მმართველების ტექსტებს დღეს გადავხვებით).

სესიამ ფარული კენჭისყრით საქართველოს უზენაესი საბჭოს თავმჯდომარედ აირჩია ზვიად გამსახურდია. ერთხმად ამტკიცდა ხმის დამთვლელი კომისიის ოქმი.

სესიამ საპროგრამო განცხადებით გამოვიდა საქართველოს უზენაესი საბჭოს თავმჯდომარე ზვიად გამსახურდია.

ქართველ ოფიცერთა რესპუბლიკური ერთეული გაერთიანების სახელით სესიის მონაწილეებს მიესალმა ამ გაერთიანების შტაბის უფროსი ღურუ ჭითანავა.

სესიის პირველი დღის დასასრულს გაზეთ „სამშობლოს“ რედაქტორმა პაატა ნაცვლიშვილმა დეპუტატებს გააცნო ქაქუცა ჩოლოყაშვილის თანამშრომლობის — ალექსანდრე სულხანიშვილის ანდერძი, რომ ქაქუცას დროში ახალარჩეულ პარლამენტს მიეღო. პატარებმა გიორგი გამსახურდიამ და არჩილ მოლოდინაშვილმა დარბაზში შემოიტანეს საქართველოს რესპუბლიკისა და ქაქუცას დროშები.

15 ნომბრის სესიის სხდომის თავმჯდომარეობდა საქართველოს რესპუბლიკის უზენაესი საბჭოს თავმჯდომარე დეპუტატი ზვიად გამსახურდია.

საქართველოს რესპუბლიკის უზენაესი საბჭოს თავმჯდომარის მიველ მოადგილედ სესიამ ერთხმად აირჩია დეპუტატი აკაკი ასათიანი, მოადგილედ დეპუტატი ნემო ბურჯულაძე.

უზენაესი საბჭომ ერთხმად დანიშნა დეპუტატი თენგიზ სიგუა საქართველოს რესპუბლიკის მინისტრთა საბჭოს თავმჯდომარედ.

სესიამ მორიგი სხდომის დაწყების წინ დეპუტატებმა წუთიერი ღუმით პატივი მიიგეს საქართველოს ეროვნულ-განმათავისუფლებელი მოძრაობის გამგეობის მერაბ კოსტავას ხსენებას. ტრიბუნაზე მოწვეული გამგეობის წევრნი იყვნენ: მერაბ კოსტავა, გულთბილად მიესალმა ახალი უზენაესი საბჭოს დეპუტატებს და დალოცა ისინი.

სესიამ სიტყვიერ გამოხატულება დემოკრატიული საქართველოს პირველი პარტიულენის ნორეორდინის ვაქცა რეკეე კორდინამ გამოთქვა რწმენა, რომ მათე დღეება დრო, როცა ხელს ჩამოართმეეს თავისუფალი საქართველოს რესპუბლიკის პირველ პარტიულენს.

სესიამ კახეთის მთელ რიგ რაიონებში წარმოშობილი რთული ოპერატიული ვითარების შესახებ სავანებო ინფორმაციით გამოვიდა რესპუბლიკის შინაგან საქმეთა სამინისტროს სისხლის სამართლის სამმართველოს სამმართველოს უფროსი გრიგოლ შინია.

დეპუტატებმა მიიღეს გადაწყვეტილება უზენაესი საბჭოს მუდმივი კომისიების შექმნის შესახებ, არჩიეს ამ კომისიის თავმჯდომარეები.

სესიამ გამოვიდნენ ქართველ შევარდნაზე ლეგიონის მეთაური ელგუჯა წიკლაური, პ. ნ. ლესელიძის სახელობის რესპუბლიკური საზოგადოებრივი-სპორტული კლუბის ხელმძღვანელი კახაბერ ნაკანი.

კახეთის მთელ რიგ რაიონებში რთულ ოპერატიულ ვითარებასთან დაკავშირებით შექმნილი დეპუტატთა ჯგუფის სახელით გამოვიდა დეპუტატი არჩილ შინდიაშვილი.

რესპუბლიკის საზოგადოებრივ-პოლიტიკური და სოციალურ-ეკონომიკური ცხოვრების სხვადასხვა საკითხსა და პრობლემასთან დაკავშირებით გამოვიდნენ დეპუტატები გურამ პეტრიაშვილი, ვიტორ დომუხვიძე, ალიკო ქიქოლაშვილი, ნოდარ ნათაძე, ავთანდილ იმნაძე, ზაალ კახიანი, გელა ჩორგოლიაშვილი, ალექსანდრე ვლენტა.

დეპუტატებმა წუთიერი ღუმით პატივი მიიგეს წინა დღით გარდაცვლილი საქართველოს ეროვნულ-განმათავისუფლებელი მოძრაობის ვეტერანის, მრგვალი მაგიდის წევრის, პოლიო გოგელიას ხსენებას.

საქართველოს რესპუბლიკის პირველი მოწვევის უზენაესი საბჭოს პირველი სესია უახლოეს მომავალში განაგრძობს მუშაობას...

საქართველოს უზენაესი საბჭოში ინტეგრირი პირველი სხდომის შედეგ

(დასასრული)

ჩეულ მრავალპარტიულ ეროვნულ პარლამენტს ყველაფერი მოაშთქმელონ იმისათვის, რომ საქართველოში მოხდეს ნამდვილი ეროვნული შეირიგება და ყველა ქართველმა ერთად იაროს გამარჯვების გზით, რომელიც ჩვენს სამშობლოს სახელმწიფოებრივი დამოუკიდებლობის აღდგენამდე მიგვიყვანს.

ნოდარ ნათაძე (საქართველოს სახელმწიფო უწყობა):

ჩემი განწყობა, რა თქმა უნდა, ოპტიმისტულია. დასაწყისი კარგია, მაგრამ დასაწყისი მინც მხოლოდ დასაწყისია. მირჩევნია, რომ ჩვენი სესია გაგრძელდეს თუნდაც ერთ თვეს და ამას რამდენიმე ასეული დადგენილება და კანონი მოჰყვას, ვინც ორ დღეში და მთავრდეს და სულ რამდენიმე დადგენილება და კანონი მიიღოს. რადგან ეს რამდენიმე ასეული დადგენილება და კანონი სჭირდება ჩვენს ყოველდღიურებაში იმპერიალისტების ყველაზე ბარბაროსული გამოვლინებების მოხსნას და მოსაპობას. დამერწმუნეთ, მათ შორის მხოლოდ ყველაზე ბარბაროსულის მოხსნას სჭირდება რამდენიმე ასეული დადგენილება. დღეს ჩვენი მრავალი სფეროა გამოსასწორებელი, მრავალი წყალუღია მოსარჩევი. მათგან ბევრს ზომ ისე შევხვიებით, რომ ვეღარც კი ვამჩნევთ. ეს ყველაფერი დაუყოვნებლივ უნდა გამოისწორდეს.

გარდა ამისა, ჩვენ გვქარდება წინასწარ რამდენიმე უდიდესი იურიდიული ნაბიჯის გადადგმა იმ-

სათვის, რომ ხვალ ჩვენი დამოუკიდებლობის გამოცხადების შემდეგ თავის დაკვა შევიძლოთ. ხახს ვუხვამ — ეს ნაბიჯები ჩვენ ახლაც, სულ რამდენიმე თვეში უნდა გადავდგათ.

ნილია უახალისა (საქართველოს კომუნისტური პარტია):

ჩვენ დღეს ღირსშესანიშნავი დღე დაგვიდგა, ამას, ვფიქრობ, საქართველოში ყველა გრძობს მიუხედავად იმისა, თუ რომელ საზოგადოებრივ ძალას წარმოადგენს. ჩვენ მოვესწარიით იმ ბედნიერ დღეს, როდესაც საქართველოში მრავალპარტიულობის საფუძველზე შეიქმნა ეროვნული პარლამენტი. კიდევ რომ იყოს ცალკეული შენიშვნები ან ცალკეული საუფედური გამოთქმები ვინმეს მიერ ვინმეს მიმართ, ეს არ არის მთავარი. მთავარი, არსებითი და გადამწყვეტი ის არის, რომ ქართველმა ხალხმა გამოხატა თავისი ნება და გადაკეთა ერთადერთი და სწორი არჩევანი.

ვფიქრობ, ჩვენი ახალი უზენაესი საბჭო, ქართული ეროვნული პარლამენტი, უფროდ შესაძლებს ჩვენს წინაშე მდგარი სირთულეების დაძლევა, თუნდაც იმიტომ, რომ ის ბრძოლით მოპოვებული გამარჯვების შედეგია. ბრძოლით მოპოვებული გამარჯვება კი სულ სხვა რამაა.

მჯერა, არ აღმოჩნდება ძალა, რომელიც შესძლებს წინ აღუდგეს ჩვენს თანამშრომლობას იმ დიდ მიზნების განხორციელების გზაზე, რომლებიც წინა გვაქვს.

„ქვემოქმედია ალყაში“ ანუ როგორ გახსნი „პრის მტერი“

ყველაფერი დაიწყო იმით, რომ ჩემს (უკვე ყოფილ) მეგობარს, კომპოზიტორ ზურაბ ზინჩაძეს შევთავაზე შეგვექმნა შემოქმედებული გაერთიანება (ფორმა), რომელსაც შემდეგ „ორბი“ ვუწოდებ. მომავალი ფორმის ერთი უმთავრესი მიზანთაგანი იყო შეგვექმნა ობოლ და მზრუნველობასმოკლებული ნიჭიერი ბავშვებისაგან თანამედროვე მალაპროფესიონალური საესტრადო კოლექტივი.

ჩემივე ინიციატივით (ჩემდავც საჯალალოდ) შევარჩიეთ საქართველოს დემოგრაფიული საზოგადოება. იმხანად ჩემთვის ნაკლებად იყო ცნობილი ამ საზოგადოების პოლიტიკური ამბიციები, უფრო მეტიც, ვიფიქრე, რომ დემოგრაფიული საზოგადოება, ისე როგორც ცივილიზებულ ქვეყნებში, უმთავრესად საქველმოქმედო ხასიათის მატარებელი ორგანიზაცია უნდა ყოფილიყო და უნდა გადაეკურა ქვეყნის ძირითადი მოსახლეობის განსახლების და ყოფის საკითხები.

მოვილაპარაკეთ, დავამტკიცეთ მომავალი ფორმის წესდება, რომლის მიხედვითაც იგი „ხდებოდა დემოგრაფიული საზოგადოებაში შემაჯავლო დამოუკიდებელი ორგანიზაცია თავისი ბეჭდითა და ანგარიშით ბანკში, რომელიც თავის შემოსავლის გარკვეულ ნაწილს შეიტანდა დემოგრაფიული საზოგადოების საღაროში (ან ანგარიშზე ბანკში).

სწორედ ამ ეტაპზე ზ. ჩინჩაძემ გაუჩინა უნდობლობის გრძობა დემოგრაფიული საზოგადოების მიმართ. მას აუქვებდა მისი ჩაკტილი კარები და მასზე მიკრული განცხადება „პროკურატურის პროვოკაციის გამო მთხოვნელთა მიღება შეწყვეტილია“ (შემდეგში ეს ექვები მე მომარყრეს) და დე-

ლიკატურად უარი. თქვა წამოწყებაზე.

ახლა, სიმართლე ითქვას, მეც მივიჩნია. ისე როგორ დაბეჩავა „საკოდავი“ იმპერიის ორგანომ, საბჭოთა პროკურატურამ, ერის ინტერესებისათვის თავგანწირული ორგანიზაცია, რომ მთელი თვით გადაუქცეა კარები ვინ იცის რა გადაუდებელი დანხარების იმედიტ მოსულ აღამაინებს.

ზ. ჩინჩაძის პესიმინიზმი მაინც გაიფანტა, როცა საქმის რეალური (ვისაც გამოუცდია დამეთანხმება) შემდეგ მივართვით ფორმის დირექტორის ბეჭდით და დამლა. მონდა ადამიანის ფანტასტიკური მეტამორფოზა: ზ. ჩინჩაძემ აღიფიცა უმრტი ენერგიით, „დაავიწყდა“ რომ ჩვენ მოვილაპარაკეთ ვყოფილიყავით კომპანიონები, „შემთხვევით გამოჩნა“, რომ საქმის იყო ჩემი იურიდიული გაფორმება ფორმის სამატგრო ზელმდგანელად.

ასე შევუდექით დიდი ხნის წინათ ჩაფიქრებული საქველმოქმედო კონცერტ-ტელეგადამრების ჩატარების გეგმის განხორციელებას. ამასთან დიდსულოვნად ჩავთვალეთ, რომ ზელფასი და ფორმალური მხარეები მოითმენდნენ, რომ მთავარი იყო 14 და 15 ნომბრის სპორტის ასახლში კონცერტების მაღალ დონეზე ჩატარება.

ბით მივედი. კარგ ხასიათზე ვიყავი და „წამოცდა“, რომ მთლიან მთელ კართველი ერის ნების“ სახელით სპეკულაციას. რომ ერმა ოფიციალურად და დაუფარავად გამოხატა თავისი ნება (საბედნიეროდ, ოპოზიციური ძალებს სსსარგებლოდ). მაგრამ ოთახში მყოფმა ე. წ. „საქველმოქმედო კომიტეტმა“ ერთხმად ამისნა, რომ მე დელეგატი ვარ, რომ ბრბოს მოტყუება ადვილია, რომ „მრგვალი მაგიდის“ ხალხი შინატყუთ და ძალდატანებით აძოლებდნენ მოსახლეობას არჩევანის გაკეთებას, რომ პარლამენტში უდიდესი დასკუბდნენ და ა. შ. ერთ ხანს ვამაოლიანდი, მაგრამ როცა ნაწევრადხუმრობით „მრგვალი მაგიდის“ „აგენტები“ მიწოდეს, ვიფიქრე: „ბოლოს-და ბოლოს ეს ხომ ამ ოთახში მყოფთა სუბიექტური აზრია, აზრის გამოთქმის უფლება კი ყველას აქვს. ამ მოსაზრებით კამით აღარ ვაგვარებულე და საკითხი ამოწურულად ჩავთვალე. მწარედაც შევიცდი.“

სწორი კვირის შემდეგ, 7 ნომბრის, დაახლოებით დღის 2 საათზე, დემოგრაფიული საზოგადოების შენობაში ე. წ. „დემოგრაფებმა“ მომეწვიეს იმპროვიზებული „მიტინგი-სასამართლო“. მათი ბრალდებები იყო ცინიკური და მკრეხილური. ე. წ. დემოგრაფებმა „და-მიტუკეს“, რომ ერის დედამ და და შამაც მათი საზოგადოება, რომ ეროვნული საქმის კეთება მხოლოდ მათი პრივილეგიაა, რადგან ქართველი ხალხის ნების გამო-მხატველი სწორედ მათე ორგანიზაციაა და რაკი მე ვმედეგ (თუნდაც არაოფიციალურად) განსხვავებული აზრს გამოთქმას, ამით ეროვნული საქმის, მაშასადამე ერის მტერი ვარ.

„შალა კამაში მოდიოდა“ და დამაყარეს ბრალდებები, რომ მე „მრგვალი მაგიდის“ მოგზავნილი ვარ, რომ დემოგრაფიული საზოგადოების ლიდერის ბატონ ილია ბეგაშვილის მისამართით ვაცხადებ, რომ ბრძოლა და უზრუნველი, რომ მე ტელევიზიაში ვამტკიცებდი, თითქმის გიორგი კანტურომ თავისი ხელთ მიიქვდა ტყვია მკლავში და ა. შ.

...და უცებ, მოწმენდილ ცაზე გაყარდა მწიქალი ჩატარება (ველირ-სეთ) დემოკრატიული, მრავალპარტიული არჩევნები. დემოგრაფიული საზოგადოებაში ბატონ ზვიად გამსახურდიას მიერ ჩატარებული სახელმწიფო მითმუქილებე-

მოალყე ქველმოქმედთა“ გარემოცვაში მივმართე კაცს, რომელსაც იმ წუთამდე მეგობრად და თანამოსაქმედ ვთვლიდი, კაცს, რომელთანაც მჭიდროდ შემოქმედებითი ურთიერთობა მქონდა, კაცს, რომლის საქმად მოპოვარულ მუსიკებზე დამიწერია ოცზე მეტი სიმღერის ტექსტი: „ზურა! რა გვინდა ამ ხალხთან, ხელოვან კაცს არ შეგვიფრის მათთან თანამშრომლობა, უარი ვთქვით კონცერტზე და დავტოვოთ აქაორობა!“

უნდა გენახან დემოგრაფთა აღტაცება, როცა მათმა ახლად გამოცხადებამ „ფლავანმა“ დიდებული სარმა გამოთქვა:

„დათო, მე შენ აღარ გენდობი. მე, როგორც ყველა პარტიისან კაცს შეგვიფრის (უბატონსოვებში ობობათ შეფრის ყველა დანარჩენი), ჩემი ნაცნობების, მოსწავლეთა მშობლების და თანამშრომლების თანხლებით ხმა მივეცი დემოგრაფიულ საზოგადოებას.“

ამით ჩემი მოთმინების ფილაიც იყისო (არც იქამდე იყო ცარიელი) და გავეცავე მოწემე დემოგრაფებს, რომელთაგან განსაკუთრებულად იბრაოდნენ (იმერთო ჩემო დასემნასავით გამოხდეს, მაგრამ ჯადა ხომ უნდა დავუფასო), ბატონი ნიკო ტუსიაშვილი და ქალბატონი იზოლდა ვაქიაშვილი.

ყოველივე შემთქმულის გათვალისწინებით, მინდა გავაყეთო რამდენიმე კატეგორიული განცხადება.

1. საქართველოს დემოგრაფიული საზოგადოების საქველმოქმედო კომიტეტი და მის შემოქმედებითი გაერთიანება „ორბის“ დირექტორ ფალაჟანს ზ. ჩინჩაძეს არ ჰქონდათ მორალური უფლება ჩატარებინათ 14-15 ნომბრის სპორტის ასახლში კონცერტები საერთო სათაურით „იმეფე დროზე, საქართველო!“ რადგანაც ამ სიტყვების და საკონცერტო რეპერტორში შეტანილი კოფეე რამდენიმე სიმღერის ტექსტის ავტორს მიაყენეს მძიმე სულიერი ტრავმა.

ესეც რომ არა, ვნახეთ, თუ რა „შეატრად“ უსწორდება უახლოესა წარსულის მეთოდებით ეს ორგანიზაცია სხვაგვარად მოახროგენთ.

2. რადგან საქართველოს დემოგრაფიული საზოგადოება „ვერ ხედვას“, რომ არჩევნებში გაიმარჯვა მთელმა საქართველომ და არა მარტო „მრგვალი მაგიდამ“, რომ ე. წ. „დამარცხებულები“ კი სულთან და გულთან ულოცავენ ერთმანეთს გამარჯვებას;

რადგან დემოგრაფიული საზოგადოება აკინებს მომავალ პარლამენტს ჯერ კიდევ მანამდე, როცა მას ერთი საკანონმდებლო აქტივ არ განუხორციელებია დამით კვლავ ეწევა ეროვნულ მოძრაობას დაქსაქსებისა და დავფუფუბათა ინტერესების ვიწრო ჩიხში, მოვეუბრებ ხელოვნების მოღვაწეებს და სპორტსმენებს: „ნუ მიიღებთ მონაწილეობას დემოგრაფიული საზოგადოების ეგვიდით გამართულ „საქველმოქმედო“ კონცერტებში და სპორტულ სანახაობებში. ხლოთ იმ ოქანებს, რომლებსაც მართლაც ესაქართვებათ მატერიალური თანადგომა, მოვეუბრებ: ნუ მიმართავთ დახმარებისთვის დემოგრაფიულ საზოგადოებას და ნუ მიიღებთ მათი „ქველმოქმედების“ ნაყოფს, რომელსაც მაღლი არ სცხია. მერწმუნეთ, ღვთის მაღლით, საქართველო არ განიცდის საქველმოქმედო ორგანიზაციებისა და ფონდების ნაყოფობას.

3. მოვიტხოვ: დემოგრაფიულმა საზოგადოებამ დაუბრუნოს ხალხს გაერელებული ბილეთებიდან ამოღებული თანხა.

პატავისცემით დემოგრაფიული საზოგადოებისა და ქართველი ერის „მტერი“, უპარტიო (და არა უპარტიონო) საქართველოს შთან რუხთავილის ხანელმწიფო თეატრალური ანტიტუტის ბტუდენა

დავით მურმანი

საქართველოს რესპუბლიკის უზენაესი საბჭოს დადგენილება

ადამიანის უფლებათა დაცვისა და პარტლერის განხორციელების შესახებ

საქართველოს რესპუბლიკაში დამატებითი საგანგაშო მასშტაბი მიიღო. მკვეთრად იმატა მკვლელობის, ყაჩაღობის, ძარცვის, პიროვნების წინააღმდეგ მიმართულ სხვა დანაშაულებათა რაოდენობამ, მათ შორის ორგანიზებულ დანაშაულებათა შემთხვევებმა. უხეშად ირღვევა საზოგადოებრივი წესრიგი, შექმნილია დაუსჯელობის ატმოსფერო, მოშლილია სახელმწიფო დისციპლინა. არსებული ეკონომიკური სიმწვევების პირობებში, უკონტროლობისა და განუკითხაობის ვითარებაში გახშირდა ანგარების მიზნით თანამდებობის ბოროტად გამოყენების ფაქტები.

მიანობაში, რაც მნიშვნელოვანწილად განპირობებულია თვით ამ ორგანოების სისტემის არასრულყოფილებითა და პარტიული დიქტატისადმი მათი დაქვემდებარებით.

დამნაშავეობის წინააღმდეგ გამტკიცებული ზომების მიღების, ადამიანის უფლებათა დაცვისა და პარტლერის განხორციელების მიზნით საქართველოს რესპუბლიკის უზენაესი საბჭო ადგენს:

1. პოლიტიკური პლურალიზმის პირობებში რესპუბლიკის სასამართლო, არბიტრაჟის, პროკურატურის, შინაგან საქმეთა; სახელმწიფო უშიშროების, იუსტიციის ორგანოებში მიზანშეუწონლად იქნეს მიჩნეული პარტიული ორგანიზაციების შექმნა და ფუნქციონირება. ამასთანავე ამ ორგანოებში არჩეული თუ დანიშნული თანამდებობის პირნი იმავდროულად არ შეიძლება იყვნენ რომელიმე პოლიტიკურ პარტიის წევრები.

2. რესპუბლიკის სამართალდამცველმა ორგანოებმა მიიღონ კანონით გათვალისწინებული ყველა ზომა დანაშაულებათა აღკვეთის, პარტლერის განხორციელებისა და ადამიანის უფლებათა დაცვისათვის.

3. საქართველოს შინაგან საქმეთა სამინისტროსთან შეიქმნას მართლწესრიგის განმტკიცებისა და დამნაშავეობის წინააღმდეგ ბრძოლის სპეციალური შინაგანი ჯარის დანაყოფები, რომლებიც ძირითადად დაკომპლექტდება საგადასახლება საბჭოების შემადგენლობაში გასაწვევი მოქალაქეებით.

4. საქართველოს ახლად შექმნილმა მინისტრთა საბჭომ გადაწყვიტოს მართლწესრიგის განმტკიცებისა და დამნაშავეობის წინააღმდეგ ბრძოლის სპეციალური დანაყოფების ორგანიზაციული, მატერიალური და ფინანსური უზრუნველყოფის საკითხები.

5. საქართველოს რესპუბლიკის უზენაესი საბჭოს შესაბამისმა კომისიებმა მოამზადონ და საქართველოს რესპუბლიკის უზენაესი საბჭოს წარუდგინონ:

ა) წინადადებანი რესპუბლიკის სამართალდამცველ ორგანოების სისტემის რეფორმის თაობაზე;

ბ) წინადადებანი მოქმედ კანონმდებლობაში ცვლილებებისა და დამატებების შეტანის, აგრეთვე ამინსტიის აქტის მიღების თაობაზე;

გ) კანონპროექტი მართლწესრიგის განმტკიცებისა და დამნაშავეობის წინააღმდეგ ბრძოლის სპეციალური დანაყოფების სამართლებრივი სტატუსის შესახებ.

საქართველოს რესპუბლიკის უზენაესი საბჭოს თავმჯდომარე
ზ. გამსახურდია.

თბილისი.
1990 წლის 15 ნოემბერი.

დღეს, 17 ნოემბერს, თურქეთიდან გადმოსვენებულ იქნა საქართველოს პარტიული მონარქი, სოლომონ II. პარტიული სახლი მთის ნივთს უნახვარად მოუყარა ზონიონ ტიხანთან.

საქართველოს მონარქისტული (კონსერვატიული) პარტია.

შაბათი ახლოვდება

ახლოვდება დღე, რომელიც ბევრ თქვენგანს თავისი უკიდურესად გაჭირვებულ თანამოქმედთა აქტს განკუთვნილი, როდესაც ვიციწყებთ ზოლზე ჩვენს ყოველდღიურ მიწვევას საზრუნავს და მოყვასზე ვზრუნავთ.

ქაშუეთის ტაძართან, შაბათს ჩვენ კვლავ 11 საათისათვის შევიკრიბებით.

ყველაზე უქონელი ჩვენი თანამოქმედისათვის სამყოფ პარტლერებს ამ დღისათვის შეიძენენ სულხან-საბა ორბელიანის სახელობის სახელმწიფო პედაგოგიური ინსტიტუტის თანამშრომლები.

თუ გაქვთ გამოუყენებელი თბილისი ტანსაცმელი, რომელიც ჩვენმა გაჭირვებულმა თანამოქმედებმა შეიძლება გამოიყენონ, მოიტანეთ ტაძართან. აქ მათ ზანღაზული ინვალიდები ელიან.

სათნობის ორდანი (კვანძობის) ასოციაცია „მართლმართლი“


სვალ ფინალია...

სვალ, თბილისში, ბორის პაიჭაძის სახელობის ეროვნულ სტადიონზე კიდევ ერთი სასახლო ფურცელი ჩაიწერა ქართული ფეხბურთის ისტორიაში.

სვალ გახდება ცნობილი იმ გუნდის ვინაობა, რომელიც საქართველოს ეროვნული თასის პირველი მფლობელი გახდება. ერთმანეთს პირისპირ დადგებიან ორი საინტერესო კოლექტივი — ლანჩხუთის „გურია“ და სოხუმის „ცხუმში“. გუნდებმა ფინალამდე არცთუ იოლი გზა განვლეს, მრავალი ძლიერი მეტოქე დაამარცხეს და აი, გადამწყვეტი მატჩის დროც მოვიდა. პროგნოზებისაგან, სჯობია, თავი შევიკავოთ და დაველოდოთ ხვალისდღე მატჩს, რომელიც, ორმა ვარძაღვს დაწმუნებული, მთლიანად ვაიმართლებს ფეხბურთის გულშემატკივართა იმედებს. იმ გულშემატკივრებს, რომელსაც ველოდებით ჩვენს ეროვნულ სტადიონზე, რათა თანაბარი სიმბათიები გამოვხატოთ ორივე გუნდის მიმართ.

მაშ, ასე. — „გურია“ თუ „ცხუმში“?

(მატჩის დასაწყისი 15 საათზე).



სურათში: საქართველოს ეროვნული თასი, რომელიც გადაეცემა გამარჯვებულ გუნდს.

„მრგვალი მაგიდა — თავისუფალი საქართველოს“ ბლოკს, გატონ ზვიად გამსახურდიას

გულწრფელად გილოცავთ თქვენ და ბლოკ „მრგვალი მაგიდა — თავისუფალი საქართველოს“ დიდ გამარჯვებას.

მარჯვებას. გისურვებთ დღეგრძელობას და დიდ გამძლეობას. იმ მძიმე ბრძოლაში, რომელიც საქართველოს საბოლოო გამარჯვებამდე მიიყვანს.

ლმერთი იყოს თქვენი მფარველი.

უღრმესი პატივისცემით
ნიკო ბურჩაძე,
საერთაშორისო დიპლომატი.

გატონ ზვიად გამსახურდიას!

საინგილოს ქართველობა მთელ საქართველოსთან ერთად გილოცავთ ქართველი ერის საკეთილდღეოდ მოპოვებულ დიდ გამარჯვებას.

ლმერთა ინებოს, რომ ამ რთულ და ძნელ ვითარებაში გამოფხინებული ქართველობა მკიდრად შეკავშირდეს და ერთიანი ძალისხმევით შესძლოს დაზარალებული ქვეყნის აღდგენა-ალორძინება. ჩვენც თქვენთან ვართ.

ლმერთი იყოს ჩვენი მფარველი.

ინგილოელი ქართველების სახელით
ასრატ ომარაშვილი

ალბათ, მისაბამია

საბჭოთა კავშირ-შვეიცარიის ერთობლივმა საწარმომ „თბილისი-ლინკ“-მა თავისი ანგარიშიდან გადარიცხა ვაქის რაიონის 50 მრავალშვილიან ქართველ დედაზე 1990 წელს რიცხული ბინის ქირისა და კომუნალური გადასახადების საფასური.

„კავკასია“ — ჩვენი საერთო სახლი



ახლობან საქართველოს ჟურნალისტთა კავშირში გაიმართა საქართველოს მწვანეთა მოძრაობის, მწვანეთა პარტიის და რესპუბლიკის პრესისა და საინფორმაციო სააგენტო „საქართველოს“ ჟურნალისტების საქმიანი შეხვედრა თემაზე: „კავკასია — ჩვენი საერთო სახლი“. შეხვედრაზე სიტყვით გამოვიდნენ მწვანეთა პარტიის

სპიკერი ზურაბ ჟვანია, მწვანეთა მოძრაობისა და მწვანეთა პარტიის წარმომადგენლები ემილ კობახიძე, იულიო გაგომიძე, ზურაბ ვახანია, ტარიელ ნიქარაძე და გვანჯი მანია.

და, რასაკვირველია, ჟურნალისტები: ჟურნალ „საქართველოს ბუნების“ რედაქტორი ოთარ ჯელოძე, გავთ „სოფლის ცხოვრების“ განყოფილების გამგე მზია კობერიძე, ჟურნალ „მანდილოს“ განყოფილების გამგე ეთერ ჭაფარიძე, საინფორმაციო სააგენტო „საქართველოს“ კორესპონდენტი ვია კორძაძე, საქართველოს ჟურნალისტთა კავშირის თავმჯდომარე ნიკა ჩერქეზიშვილი, ჟურნალისტთა კავშირის მდივანი აკაკი სინარულიძე და სხვები.

ვეფიქრობთ, ეს ღონისძიება თავისებური გენერალური რეპერტორია იქნება საერთო კავკასიური შეხვედრა-დიპლომისა, რომელიც დღეს და ხვალ, 17 და 18 ნოემბერს გაიმართება ჩვენს დედაქალაქში — ჟურნალისტთა სახლის სააქტო დარბაზში (ერეკლე მეორის მოედანი № 3) დასაწყისი 12.00.

მაია სეთურიაძე
სურათში: შეხვედრის დროს.
ჯანვარ ლომიძის ფოტო.

გასწორება
ჩვენი გაზეთის 15 ნოემბრის ნომერში შეცდომით არის დაბეჭდილი 9 აპრილს მოწამული ზვიად გურამის ძე ქასრაშვილის სახელი. რისთვისაც ბოდიშს ვიხდით.

ყურადღება!

გაზეთ „ახალგაზრდა იმპრიული“ და საბავლევიო პროგრამა „ილუზიონი“ რეალ-მეტი შემხიმლიათ შემუშავითოთ ბელაფონზე: 87-58-25; მისაბართი: ბუდაკაშვილის № 1. (11.00 სთ-დან 17.00 სთ-მდე). ფირმა „არგო“-ს სარეკლამო სააგენტო

სალომონი
Общественно-политическая молодежная газета
«Ахалгазრა Иверელი»

ტელეფონები: მისაბები — 98-97-81;
პასუხსმეგობელი მდივანი — 98-21-56;
წერალებს ვანუფილება — 99-90-49.

გაზეთი გამოდის კვირათი საგანგაშო, უნაბათს, რედაქციაში შემოხული მისაბები ავტორებს უკან არ უბრუნდებათ.

საქართველოს კავშირის სტამბა 380098, თბილისი-98, 8. კობახიძის ქ. № 14, აბეგება ოცხეტური წიხით ხავხეთი კორპუსში, სოხრაულის № 20 1, 2, 3, 4, 5, 6, 7, 8, 9, 10, 11, 12, 13, 14, 15. Наш индекс 68400

რედაქტორი
გვარაბ ბალარაიშვილი

რედაქციის მისაბართი
ბ. თბილისი — 380096.
8. კობახიძის ქ. № 14.